

Rhaglen Staff Nyrsio Cymru Gyfan

Diweddariad Llif Gwaith Pediatreg
Ionawr 2022



Cyflwyniad

Arweinir y ffrwd waith cleifion mewnol pediatrig gan Sian Passey (Cyfarwyddwr Nyrsio Cynorthwyol Bwrdd Iechyd Hywel Dda) Dirprwy Gyfarwyddwr Nyrsio Gweithredol a noddir gan Greg Dix (Cyfarwyddwr Nyrsio Gweithredol Bwrdd Iechyd Prifysgol Cwm Taf). Mae'r ffrwd waith yn cynnwys cynrychiolwyr o bob bwrdd iechyd ledled Cymru ac fe'i cefnogir gan Brifysgol Caerdydd ac arweinydd y prosiect pediatrig Dawn Parry yn Addysg a Gwellu Iechyd Cymru. Diben y ffrwd waith yw cefnogi Byrddau Iechyd i ddilyn dull gweithredu 'Unwaith i Gymru' wrth iddynt gydymffurfio â gofynion Deddf Lefelau Staff Nyrsio (Cymru).

Ymestynnwyd ail ddyletswydd y Ddeddf i gleifion mewnol pediatrig ar 1 Hydref, ac yn unol â'r amserlen genedlaethol i baratoi ar gyfer estyniad, mae byrddau iechyd wedi cyflwyno'u lefel staffio nyrsys ar gyfer pob ward cleifion mewnol pediatrig fis Medi.


Mae'r Ddeddf yn ei gwneud yn ofynnol i fyrddau iechyd gyfrifo'r lefelau staff nyrsio ar bob ward bediatrig o leiaf bob dwy flynedd er mwyn sicrhau bod gan wardiau y nifer cywir a'r gymysgedd sgiliau o staff er mwyn diwallu anghenion y cleifion, gyda'r egwyddor o ddarparu gofal o ansawdd uchel, canlyniadau a phrofiadau cadarnhaol i gleifion.

Ers 2016 mae wardiau cleifion mewnol pediatrig ledled Cymru wedi bod yn datblygu'r offer sydd eu hangen i gefnogi'r gwaith o gyfrifo lefel staff nyrsio. Mae'r offeryn cynllunio gweithlu yn pennu'r nifer a chymysgedd sgiliau y staff nyrsio sydd eu hangen er mwyn diwallu anghenion cleifion drwy driongli tair ffynhonnell hanfodol o wybodaeth:

- aciwtedd cleifion
- dangosyddion ansawdd
- barn broffesiynol

Mae'r Ddeddf yn grymuso ac yn cefnogi staff nyrsio o'r ward i'r bwrdd i gyfrifo, monitro a chynnal lefelau staff nyrsio. Ar y cyd â gwybodaeth o'r wardiau meddygol a llawfeddygol aciwt i oedolion, bydd y data o wardiau cleifion mewnol pediatriig yn cael eu cyflwyno mewn papurau sicrwydd blynyddol i'r Byrddau gan ddarparu sicrwydd ynghylch eu cydymffurfiaeth â Deddf Lefelau Staff Nyrsio (Cymru).

Caiff yr adroddiadau hyn eu casglu er mwyn llywio adroddiad y byrddau iechyd bob tair blynedd i Lywodraeth Cymru sy'n darparu tystiolaeth o'u gweithredoedd a'u cynnydd o ran cydymffurfio â gofynion y Ddeddf.



Cynnydd hyd yma

- Gyda chefnogaeth AaGIC, mae sesiynau dosbarth meistr triongli wedi cael eu cynnal ledled Cymru i gefnogi timau clinigol i ddeall sut mae'r data a ddefnyddir fel rhan o'r fethodoleg driongli yn sail i'r cyfrifiad staff nyrsio.
- Mae'r sesiynau hyfforddi'r hyfforddwr yn parhau i gael eu cyflwyno ledled Cymru ac mae deunyddiau gwybodaeth wedi'u datblygu i arfogi a grymuso timau gweithredol.
- Cyhoeddi'r Canllaw Gweithredol Pediatriig a ddatblygwyd i arwain a chefnogi timau nyrsio i gyflawni eu cyfrifoldebau o dan y Ddeddf.
- Mae'r grŵp ffrwd waith yn cefnogi'r gwaith o ddiwygio'r templedi adrodd cenedlaethol er mwyn sicrhau bod wardiau cleifion mewnol pediatriig yn cael eu hystyried, a bod Byrddau Iechyd yn dilyn y dull 'Unwaith i Gymru' wrth ddiwallu gofynion adrodd y Ddeddf.
- Mae aelodau'r ffrwd waith bediatriig yn rhan o grwp cenedlaethol sy'n ymchwilio i system TG genedlaethol i gipio'r wybodaeth sydd ei hangen ynghylch aciwtedd cleifion ac oriau staffio a ddefnyddiwyd.
- Treialu system TG genedlaethol i sicrhau bod gan dimau gweithredol fynediad at eu delweddwr pediatriig unigol.
- Cwestiynau a Ofynnir yn Aml ar gyfer staff nyrsio.
- Gweithredu holiaduron profiad cleifion cenedlaethol ym mhob ward pediatriig i gleifion mewnol ledled Cymru.
- Datblygu canllawiau i nyrsys a rhieni i gefnogi plant a phobl ifanc ag anghenion dysgu ychwanegol i gwblhau'r holiaduron profiad cleifion cenedlaethol.

Canau nesaf

- Datblygu pecyn hyfforddiant e-ddysgu ar ddefnyddio'r offeryn Lefelau Gofal Pediatrig Cymru.
- Cefnogi datblygu dangosfwrdd nyrsio i alluogi timau nyrsio i gael mynediad at ddata lleol 'byw'.
- Gweithredu'r system TG genedlaethol i alluogi byrddau iechyd i gael mynediad at yr wybodaeth a fydd yn sail i'r broses o wneud penderfyniadau ac adrodd.

cysylltiadau allweddol

Noddwr y Ffrwd Waith - Greg Dix
Arweinydd y Ffrwd Waith - Sian Passey

Cyfarwyddwr Nyrsio Gweithredol
Cyfarwyddwr Nyrsio Cynorthwyol
Bwrdd Iechyd Prifysgol Cwm Taf
Bwrdd Iechyd Prifysgol Hywel Dda

I gael mynediad at gylchlythyrau blaenorol a chael gwybod mwy am Raglen Staff Nyrsio Cymru Gyfan a'r gwaith a wneir gan y ffrwd waith, ewch i wefan.

